



UNIVERSITÄTS-
BIBLIOTHEK
PADERBORN

Universitätsbibliothek Paderborn

Asiaticae Historiae Societatis Iesv Pars ...

Libris Quatuor Comprehensa: Vbi praeter res gestas à Patribus Societatis Iesv in conversione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

Habiti Riccio honores à Proreg.

urn:nbn:de:hbz:466:1-10757

enim, & Hoanum amnes iungit alueus leucarum ad ducentas, opus vnus ex Priscis Regibus; & quæ naues Pechinum annonas comportant eo sunt numero, & prærogatiua lege, vt cogantur aliæ ad ripas dies quinque interdum ne cursum earum morentur subsistere. Eunuchus annonæ Præfectos spectaculo munerum demulcens quæ Regi ferebat Riccius, magno sumptuum & moræ compendio pergebat: quamcumque ad urbem, quibus passim prætenditur alueus, applicuissent Eunuchi nauigia, fiebat ad Riccium, vbique celebrem, concursus doctorum hominum, vt horas cum eo aliquot, sermone non vacuo tenerent, quibus sui huius ad aulam accessus, & donorum quæ Regi destinaret vnâ hanc edens rationem, vt diuinæ legis promulgandæ libertatem ab eo impetraret, Regniq; in viam inducendi beatitudinis sempiternæ; relinquerebat vbique nonnullam religionis veræ notitiam, & desiderium de illa fusiùs audiendi, quandoque si Deus annueret profuturum, fuit Mandarinus nomine Leusintunus cui animi cura, & cultu idolorum nihil erat antiquius; is vbi Riccium cognouit Zininum appulisse, urbem Sciantunensis Prouinciæ in qua Protegis officium gerebat, misit illicd suos cum gestatoris rogans ne grauaretur ad palatium deferri, & occurrit intranti, eo beneuolentiæ & honoris paratu, quo mortalium neminem dignantur Proreges. Degebat ibidem Licious, qui raso capite, publicorum professus abdicacionem, scribendis libris & morum præceptionibus senile otium occupabat. Cùmque esset Riccio in paucis addictus, famulum pridem ad ripam præmiserat qui aduentantem sibi nunciaret. Cum his aliquot horas de rebus animi collocutus, à Prorege discessit, spem magnam testante, potiundæ cum eo aliquando cælestis gloriæ. Vix se in nauim retulerat, moxque vrbis omnis commoueri, Proregis ad eum aditu improuiso, qualem ex more olim descripsimus aulico strepitu, & satellitio, terribilem simul, & honorarium. Præiuit vt solet cum libello nuncius à Prorege, qui adfuturum indicaret. Secutus est nobilis ab eodem, argenti pondus non modicum dono ferens. Prorex deniquè paulo post in nauim exceptus à Riccio iis rituum legibus quæ tantum decebant Magistratum: quibus attonitus Leupusius Eunuchus, & Mandarinorum multitudo; apud se multa & inter se versare ac loqui, de excellentia illius Peregrini quem Prorex tantis honoribus dignaretur. Postridiè Riccio visendi obsequia referenti, adfuit cum filiis Prorex, & sapiens Licious, beneuolentia tam familiari & domestica, vt deinde scriberet Riccius visum sibi apud amicissimos Christianos non apud Ethnicos agere. Probarunt magnopere profectionem eius Pechinensem, laudarunt excelssitatem propositi quo ad eam impulsus fuerat, libellum quoque Regi exhibendum poposcerunt, quem haud satis doctè compositum, ex difficili, solisque Regibus peculiari forma emendarunt. Denique abeuntem comitati sunt literis ad amicos, quibus vnus tot inter alias magnum pondus inesse expectus est. Post molestam dierum quadraginta navigationem Lincinum

Habiti Riccio honores à Proreg.

sex naues peruenerant, ubi pendunt vectigal merces omnes quæ in dictum antiquitus Cataium portantur; hoc est in boreales Prouincias. Vectigalium illic redemptores, Rex ultra omnem modum pecuniæ appetens, alios esse non patitur præter rapacissimos exactores, cuiusmodi tunc fuit nescio quis ex primariis Palatii Eunuchis Mathanus, pessimæ gentis & nocentissimæ pessimus, & rapacissimus: non erant sex naues vectigali obnoxia quæ tributum serici Pechinum, Prouinciarum nomine ad Regem perferebant; coëgit tamen Leupusicum Eunuchum earum ductorem, grandi pretio transitum emere, donisque minime vulgaribus, quæ ingluuiem barbari cum parum explerent, sustinebat interim discessum festinantis, certo capitis eius periculo, si Pechini tributum non potuisset tempori sistere. Necessitate igitur ad innatam, & incoctam malignitatem accedente; erat enim & ipse Eunuchus, pernitiæ Riccij statuit sibi consulere. Mathanum adit, iudicium facit de Externo Nanchini sibi concedito, summis ubique honoribus affecto. Deserri ab eo ad Regem munera ex orbe altero quæ theatrum admirationis omnibus exhiberent. Maius tamen esse gemmarum pretium quæ celaret: ac dona quidem omni iure posse ex eo capi, Regique offerri, & fore illi, si vnquam aliud gratissima, & acceptissima exploraret hæc indicia per suos, mitteretque in nauim, ceruò de iis cognitarum mittitur illicò Eunuchorum turba, rimantur, & introspiciunt omnia, & pulchritudine donorum stupefacti, Mathanum in prædam ardentius narrando incendunt, quamobrem Riccio per eos denuntiat velle se in nauim secum illum habere. At nimium doctus harpyarum eiusmodi natio quid possit & soleat, Ciunuanloum consulit Mandarinum, seueritatis antiquæ virum, proin tantò exosum Mathano, quantò formidatum; sibi autem sic pridem addictum vt suum appulsum per seruum præuoceteret, qui se domi haberet hospitem: indoluit grauius Mandarinus, vt qui prospiceret Riccio calamitosius nihil potuisse contingere; nam si proriparet Harpyam impotentem, vellet modo scelestus, illius manibus erat pereundum; si verò se illi permitteret, versatum iri ab eo quocumque commoda, & lucra raperent. Cæterum ne nullies quidem irato crederet; quo fideliosem se fingeret, hoc fraudulentius fidem proditorum. Hæc dum consilia miscerent adest anhelus è nauim famulus vngens Riccium festinare ad honestandum Machani visentis ad nauim accessum. portabatur ingenti octophoro, pone & ante agmen carnificum quibus id pensi est tumultu horribili, vlulatibus, rugitu, & confuso peluim fragore terrorem bestia quam gestabant occurrentibus augere: se tamen Riccio mirè affabilem præbuit, dona regia profectus est singulari laude; sua officia opemque detulit enim verò sua, qui posset omnia apud Regem, dignum esse tutela qui tam illustri obsequio, & tam liberali veneraturus Regem tam procul aduenisset, suscipere se illam curam vt allata dona in Regis manus peruenirent; tantum ipse opraret inter multa magnaque præmia quod inualeret, vel ipsam si placeret Mandarinum cum censu perpetuo dignitatem:

64.
Perfidia Eunuch. ad per. dendum Riccium.